

الرشاد

س ١ ٢ ٣ ٤ ٥ ٦ ٧ ٨ ٩ ١٠ ١١ ١٢ ١٣ ١٤ ١٥ ١٦ ١٧ ١٨ ١٩ ٢٠ ٢١ ٢٢ ٢٣ ٢٤ ٢٥ ٢٦ ٢٧ ٢٨ ٢٩ ٣٠ ٣١ ٣٢ ٣٣ ٣٤ ٣٥ ٣٦ ٣٧ ٣٨ ٣٩ ٤٠ ٤١ ٤٢ ٤٣ ٤٤ ٤٥ ٤٦ ٤٧ ٤٨ ٤٩ ٥٠ ٥١ ٥٢ ٥٣ ٥٤ ٥٥ ٥٦ ٥٧ ٥٨ ٥٩ ٦٠ ٦١ ٦٢ ٦٣ ٦٤ ٦٥ ٦٦ ٦٧ ٦٨ ٦٩ ٧٠ ٧١ ٧٢ ٧٣ ٧٤ ٧٥ ٧٦ ٧٧ ٧٨ ٧٩ ٨٠ ٨١ ٨٢ ٨٣ ٨٤ ٨٥ ٨٦ ٨٧ ٨٨ ٨٩ ٩٠ ٩١ ٩٢ ٩٣ ٩٤ ٩٥ ٩٦ ٩٧ ٩٨ ٩٩ ١٠٠

والله يهدي من يشاء الى صراط مستقيم ديني ، علمي ، ادبي ، سياسي هفتة لقي مجموعة اسلاميه در
اتبعون اهدكم سبيل الرشاد

صاحب و مدير مسئول : ح . اشرف اديب

جلد ١-٨

٣١ مایس ١٣٢٨

پنجشنبه

٢٧ جمادی الاخر ١٣٣٠

عدد ١٥-١٩٧

بیلککلکز ایچون متین عقللرک ، طوغری فکرلرک یولزی تنویر ، بزى ارشاد ایتسنه محتاجز . یوقسه صوک موقفی - ولوکه اوروپا مدنیت شعشه باری اولسون - هرشیک ظواهرندن عبارت اولان ، اندن اوتیه کجهمین عقول هیولانیه هر زمان زه سرابی آب کوستره جک وهیچ بروقت بزى وادی سلامتیه کوتوره میه جکدر .

« من یشی مع الغراب سیرجع الی الخراب »

اگر بز هویت مایه مزک هویات سائر طرفدن التقامنی ارزو ایتور ایسهک انک نامنه برتمغا یاپدیروب زه مخصوص اولان شیلرک کافه سنی اونکله تمغالاملی زه . یوقسه ملیتمزله انک مخصوصاتی استحقاره یلتمک کی چیقماز بریوله صاپاجق اولورسه قاقتمز پک وخیم ، پک مظلم اولور . حقیقه مملکتیزده اویله غریب ادملر کوریلورکه استحسانه شایان اولان برچوق مخصوصاتمزی هیچ بر فکره ، هیچ بر محاکمه یه مستند اولمقسزین استهجان ایدیورلر . انلری صرف مملکتیزه اختصاصندن طولای تزییفندن لذت آلیورلر . صکره بر اوروپالی انلردن برینی استحسان ایتدی در حال بونلرده تبدیل فکر ایدیورلر . بختده بر طوتاجق بر مثال دکلسده سرد ایتهدن کجه میه جکم ؛ عادی مثالر بعضکره پک مهم حقیقتلرک تفهیمنه مدار اولور .

منلا بوندن اول اوروپاده تربیه کوروب وطنه عودت ایدنلر ازقضا سفرده یوغورت کوره جک اولسهلر یوغورته بداوت یادکاری برغدای متروک نظریله باقهرق حالا سفره لرده بولندیرلمسینه تعجب ایدرلر ایدی . بالاخره یوغورت اوروپایلرک تقدیرینه ، استحسانه مظهر اولدی ؛ بوصورتله بوکون اک محشم سفره لرده کندیسسی ایچون بر موقع تأمین ایتدی . اولجه یوغورتنی ذم ایدنلر اوروپانک بوتوجهندن صکره یوغورتک مداحی کسلدیلر . ادرا کسزلکک بودرجه سینه اغلامقی لازم کلیر ، کولمکی بیله نم !

بوبرمالدرکه چوق شیلرده امثالنه تصادف اولنور . بر قوم که تقدیرنده ، تمیزنده محافظه استقلال ملکه سنک تقریرینه لزوم کورمز ؛ البته هویت مایه سینه صاحب اوله ماز . هویت ملیه سینه صاحب اولیان بر ملتده ارکیچ زواله محکوم اولور . اگر بز بر ملت ، بر مستقل هویت اولق اوزره یشامق ایسته بور ایسهک غربک ممثلی دکل ، ممثلی اولملی بز ! غربک کافه مائرنی یولیه اتباس ایده رک مملکتیمزی مستعد اولدیغی ترقیه ایصاله چالشملی زه . فقط شرقلی اولدیغمزی ده اصلا خاطرندن چیقار ماملی زه ؛ مخصوصات ملیه مزی استهجان دکل ، بالعکس استحسان ایتلی زه . مملکتیزه « بونزور » دن زیاده عمله کوملکی لازم اولدیغی بیلملی زه ؛ کمرکار مزندن بیانودن زیاده الات زراعیه وصناعیه کچمسنی تمی ایتلی زه .

کوستاو « لوبون » بر اثرنده دیورکه :

« دور خلقتدن بری بر برینی ولی ایدن مدیتلر حقنده اجرا اولنان تدقیقات کوستریورکه بومدیتلر ترقیلرنده بر قاقچ دستورک دلالتیه اقتدا ایتشلردر .

ملتلرک تاریخلری پالکزم دیتلرینه رهبر اولان بودستورلره حصر ایدلش اولایدی اوتاریخلر پک مختصر اولور ایدی .

اگر بر مدنیت بر عصر ظرفنده صنایع ، علوم ، ادبیات ، فلسفه وادیلرنده رهبر اوله جق ایکی اوچ دستور کشف ایده جک اولورسه اومدنیته پک پارلاق بر مدنیت نظریله باقیله بیلیر .

« کوستاولوبون » نک بوسوزی حقیقه پک بیوک بودستوردر . اسلافز زمانلرینک مقتضاسنه کوره قبول ایتدکاری دستورلره آلتی عصر دینبری هویت مایه لرنی محافظه ایتشلر . اوودیعه مقدسه شمعی بزم ید امانتیزده در . بزده آنک محافظه سی شرطیه طریق تکاملده دلالتیه اقتدا ایده جک ، چوق دکل ، ایکی اوچ دستور محتاجز .

بودستورلر یا واردر ، یا یوقدر . فقط وارسه آنلری بز کوستره جک ، یوقسه وضع ایده جک داهی پی زده بولمی ؟

فرید

فه مینیزم مسئله سی

— ۳ —

قاریلر ، رهبر بشیرتک قسم مستوریدر

شمعی بز . نسائیون بکلردن - اگر بو وطن اسلامه ذره قدر محبت دویغوسی بسایورلر ، افرادندن بولونقلری بوملته ذره قدر آجیور ، فلاکلری ، مصیبتلری ذره قدر وجدانلری صیلا تیورسه - عقل و منطق نامنه بر آز انصاف ، براز میل اعتراف ایسترز . بو طلبمز وجدانی اولدیغی قدر شرعیدر . بیلیم بو قدر جق بر لطفی ده بزدن دریغ ایدرلرمی ؟

بز - طرفین - اوچیوز ملیونلق قوجه بر عالم اسلامک محکمه وجدانی حضورنده ادعای حق و حقیقت ایتکده اولدیغمزی کوز ئونه کتیریرسهک ویریه جک حکمک نه قدر آغیر ، نه قدر غیر قابل استیناف و تمیز بر حکم قطعی اولاجغی البته تقدیر ایدریز .

بو محکمه معنویه بوتون محاکم نظامیه و عرفیه نک فوقنده بر دیوان عالیدر . بونک حکمی انسانک ناصیه وجداننده ابدیاً سیلنمز سیاه بر تمغادر . اگر دریغ ایدرلرسه کندیلری بیلیرلر . بز - علمای متفکرین - او دیوان عالییه آلتیز آجیق اولاراق کیدیور و میسیونره رشا کردلرینک دوشدکاری مدهش اوچورومی کوستریوریز .

استناد کا همز حق . یکانه معین وظهیرمز او .

« ایتدم هر باطله برحق تصور بر زمان »

« استنادم حقه در هپ آلهاتک رغنه »

نسائیون بکلر انی بیلنیدرلر . که بومملکتک دماغنه حاکم اولان ، وجودینی اداره ایدن ، حاصلی : بومملکتی بوتون فیوض معناسیله یاشاتان والی ماشاء الله یاشاتاجق اولان یکانه قوت ، سلطان اسلامیت ، شاهنشاه خلافتدر .

اونك روح فیاضی ناسوتی دكل ، لاهوتیدر . صرف مادی بر حیات اونك نظرندہ پك سفیدر .

اسلامیت دیور، که : « انسان یاشامق، انسانیتہ خدمت ، خالق یکانہ سنہ عرض عبودیت و مخلوقیت ایتک ایچین یر . یوقسه یمک ، ایچمک، کینوب قوشامق ، نفسنک یتک ، توکنمک بیلیمین هوسات وشواتنه اسیر اولمق ایچین یاشاماز . بویله سفیل برحیاتک حیات حیوانیدن نه فرقی وار ؟ یمک ، ایچمک ، حظوظات شهوانیه بیننده قوشمق اولدقذن صوکرآ - نهوت ! پک دوعری ! - نه فرقی وار ؟ لسان اسلامیت اویله مستغرق شهوت اولمش یچاره دیور ، که :

یا خادم الجسم کم تسی لخدمته !
وتطلب الرغ بما فيه خسران
علیک بالنفس واستكمل فضائلها
فانت بالنفس لبالجسم انسان

انسان جسمیله ، عنصر خاکسیله دكل، بلکه نفسیله ، جوهر حقیقیله انساندر . انسانک حیواندن مابه الامتیازی بودر .

« یوکسل که یرک بوبر دکلدرد »
« دنیا به کلش هنر دکلدرد »
« یوکسل، که جهان سفیل ودرندرد »
« رغبت اکا عادتا جنوندرد »

ایشته اسلامیتک ؛ خالقنی جستجو ایدن روح فیاض لاهوتیسی ! ایشه اسلامیتک وجدان علویسی !

ای انسان ! ای زوالی فانی ! هیچ دوشونمز میسک؟ هیچ عقلنه کتیرمز میسک ؟ سنی بودرد عالنه کوندردن ، بوسفیل طور اقلره ایندیرن ، بومضیق عنصریه - غیر اختیاری برتسلیمیت ابکمانه ایلہ - حبس ایدن کیمدر ؟ اونه قوتدر ، اونه قدرتدر ، اونه مشیتدر ، که سنی حکمنه رام ایتمش . کلشکده غیر اختیاری ، کیدیشکده .

سن بوبلالی ، بومصیت انکیز مسافرت چند روزه یچین راضی اولدک ؟ بوخیال سرعت برقیه سیله کچن ونهایت برطوره اتدن ، کمیکدن باشقا بر اثر ، متفسخ ، متعفن بر اثر بر اقامایان حیاتک هر دورلو قهرنی ، بیک برچشید عذابنی ، اشکنجه سنی - هم غریبدر ، که سهوه سهوه ! - نهدن چکیورسک ؟ یالکیز یمک ، ایچمک ، یالکیز عقلگه کلن هرذوقک ، هرصفانک ، هر سفاهتک اسیری اولمق ایچین می ؟ برکره جک انسانلغگه رجوع ایتک ، برکره جک عاقبتکی دوشونمک سنک ایچین دکلی ؟

آمان یارب ! برانسانک کوزی اولوبده کوزمه میسی ، قولاغی اولوبده ایشتمه میسی ، تلبی اولوبده دویمامی سریر انسانیتدن نه دهشتلی سقوطدر .

« أولئك كالانعام بل هم اضل »

بونلرک وصف شانی ! بونلرک برات خذلان وخسرانی ! ایواہ ... اسفل سافلین حیوانیتہ سقوط ایتک ! افسوس ... انسان کلوبده حیوان کپتمک !

نسانئون بکلر قطعاً اینانملی وقناعت تامه حاصل ایتلیدرلر ، که بوقوتی او دماغدن چکوب آلا بیلہ جک ، یرینه باشقا برقوت قویا بیلہ جک ، یابانچی برحاکمه نصب ایده بیلہ جک بر دست آهنین ، بر شیر پنجه (!) تصور اولوناماز .

او املک نه الم افروز، نه خردسوز برمحال اندر محال اولدینی حالا روحی اودوزخ لہیب ایچنده یانمقده اولان پاپایکنجی (پی) [۱] دن صورولمیدر .

شرقده (قادینلق) حیاتدن معزز اولان (ناموس) ایلہ مساوی وبلکه توأمدر . (ناموس) ؛ عفت وعصمت دیمکدر . ناموس کیزلی برشی دیمکدر . (قادینلق) ده جناب حقک انوار لطافتندن ، نفخه عصمتدن مخلوقدر . (ناموس) ک قدرتی بیلن ارکک قادینلغک عفت وعصمتی ، عزت وحرمتی محافظه اوغرنده ٹولمکی کندینه اک بویوک شرفلردن بری عد ایدر .

شرقک ، اومطلع خورشید اسلامیت وانسانیتک نظر حکیمنده (قادینلق) ک موقع شرفی ایشته بوقدر بالاتریندر .

اولسان حکمت دیور ، که « قادینلق ؛ وجود بشریتک قسم مستوریدر . چونکه ناموسیدر . بناءً علیه ناموسک ستر و اخفاسی لازمدر . »

اسلامیتک نظر حکمت پناهی مادیتدن زیاده معنویتہ التفات ایدر .

[۱] ایکنجی (پی) جناب فاتحه معاصر اولان پاپالردندر . قانونا کلاکک عالم تیشینجه - معلومدر، که - پاپالر عقل کله مالک ، لایخطی درجه سنده معصرم خطایا وزال عد اولونور . اقوال و افعال هر دورلو تنقید و نخطه نیک فوئده برر جوهر حکمت صورتیه تاقی اولونور . عقل وادراکک غرب ایلہ نه قدر مناسبندار اولدینی ماضیه عائد اولان فقط غرابی ، تاریخده الی یوم القیام محفوظ قاله جق اولان شو حادثه اثبات ایدر : استانبول، جناب فاتحک سیف جهانگیری ٹوننده زمین تسلیمتی ٹوپور . بوفتح جلیل الشانک صدمه قهاری بوتون غربی - شدتلی برزلزلہ طوتولمش کبی - زانغیر زانغیر تیرمبور . پاپا ایکنجی (پی) بوخبرک دهشتدن اولدینی یرده دونا قالیور . موازنه سنی غیب ایدیور . دوشونور . کندیسه الهامات آجیق ! بو مدهش سبیل فتوحاتک ٹونہ کچمک، بونی دور دورمق چاره سنی آرایور بولیور ! بولدینی چاره پک مؤثر ! پک - حار ! هان قلمه صاریلور ، بیزانک فاتح لایندی الاشترینه برمکتوب یازیور . جناب فاتحی نصرانیه دعوت ایدیور ! نه او؟ حیرت ایدیورسکر ! هیچ ایتیکر ! سز پاپالردن بویله جوهرلر ، بویله حکمتلر بکلیکر ؟ فاتح (پی) ک دعوت وارشادیلہ (!) - حاشا - مرشد اولاجق ، سن پیرک روحی آتی فتو - حات جلیلہ سنک اوب اور تاسنده توقیف ایده جک ؟؟

بوجنونانه تکلیفک برعینی ده پاپا سکرنجی (اینوسان - معصوم) ؟ طرفندن نجل نجیب فاتح سلطان جم مرحومه وقوعبولور ! سلطان جی رادوس شوالیه لری رومایه کوتوروب واتیقانه تسلیم ایدیورلر . سکرنجی اینوسان ایلہ ملاقاتک ایکنجی سوزی - پدیریکرک تخننه مالک اولمق ایسترسه کز تنصر ایدیکر ؛ شمدی معیتکزه دهشتلی برصایب ارد، سی ویرهیم . کیدیکر ؛ استانبولی ضبط ایدیکر ! - (جم حیرتله مزوج برنفرت و استکراه ایلہ) جهانک یکانه پادشاهلنی اولسه بیه مقدس دینی ترک ایدوبده مرشد اوام . فرض محال اوله رق ارتداد ایتسه مده قوجه عثمانی ملت اسلامیه سی بر مریدی امیراؤمنین صفت جلیلہ سیله قبول و اویله آدمه بیعت ایدرلری ؟ لامارتین - عثمانی تاریخی جلد ۳ - ۹۶ کوریور میسکر ؟ ایشه بونلرک اک عقلیسی ، کندیسی حکیم ، لایخطی عد ایدن پاپاسی بویله ! واخذهم الله اخذ عزیز مقتدر .

اسرائيل اراضي سوري سورلر وساثر خدمات شافوده استخدام اولتورلردى . بنى اسرائيل كنديلرني . بوتدر اقواى دائرة اطاعته آلمش اولتورلردن دولاي . بر مرتبه ممتازده عد ابله دكلرندن اسرايه مخصوص اولان خدمات سفليه ايله اشتغالي حيثت وشرفلرني بر ليكه عد ابلرلردى . بنى اسرائيلك مشغول اولدقري باشليجه ايشلر ، سلاح تعليملىرى ، عسكرى ادمانلر ، باركيز و حرب عربلرني قوللاقمق ايدى . كنهائيلر على الدوام چاليشديريلر يالكيز بولرك ايضاي وظيفه ايتملرني نظارت ايچين ۶۰۰ مفتش استخدام اولتوردى . [۱]

حضرت سليمان ۴۰ سنه حكمفرما اولدقن صوكره وفات ايتمش و آنك وفاتيله يهودى قراليتك شوكت و احتشاشي ده سونوب كيتمش در .

سكزنجى باب

بنى اسرائيل و يهودا حكومتلىرى

حضرت سليمانك يرينه اوغلى (رحبعام) مقام سلطنته كچمش ايدى . لكن بو كنج طرفندن اهاليك كنديسنه كوندرديكي هيئت مرخصيه ويريلن دوشونجه سزجه بر جواب اوزرينه اسباط اسراييليه دن اونى متفقا اعلان عصيان ايدوب (بروعام) اسمنده يريني تخته چيقارديلر . حضرت سليمانك اوغلى (قدس) فراره مجبور اولدى ؛ عاصى قبائل (رحبعام) ك تحصيلداريني دخی طاشه طوتهرق قتل ايتشلردى . يالكيز يهودا سبطى ايله بنيامين سبطى (رحبعام) ك اطاعتنده قالديلر . ايشته بويله جه يهوديلر آره سنده كي اتحاد ملي عواولمش بولنديغندن بولدن صوكره بولرك و قايعنى برى يهودى ، ديكرى بنى اسرائيل قراليتلىرى تسميه اولنان ايكي حكومت تاريخنده تعقيب ايتكلكمز لازم كالر .

(رحبعام) يوز سكرسان بيك كشيدين عبارت براردو جمع ابلهرك عاصى اولان اون قبيله بنى اسرائيله قارشى حربه كيريشمك فكرينه دوشمش ايسده اشعيا پيغمبرك مداخله سي ايله بوتشت برمدت ايچين كرى قالمش ، (رحبعام) كندى ممالكنى تحكيم ايله اشتغال ايله مش در . (رحبعام) ۱۷ سنه حكومت ايتدكن صوكره يرينه اوغلى (آيچا) چيغمش ، براز صوكره ده اسراييليه قرالى بوبوك براردو ايله آنك عاينه حركت ايتشدر . ايكي حكومت اردوسى (افرام) جبل جوارنده بربرنه مصادف اولديلر .

« يهوديه حكمدارى آيچا آنك معيتمده ۴۰۰،۰۰۰ كشى عساكر جسورده دن مركب بر قوت واردى . (بروعام) كده آنك قارشيسنه قويديني هپسى جنك آور ۸۰۰،۰۰۰ كشى ايدى . » و اسرائيل اوغللى بنى يهودا اوكدن قاچديلر ؛ جناب حق آنلى (اسراييللىرى) بنى يهودا ك آئينه تسم ايتدى . آيچا ايله معي آنلردن بر جوق كشى قتل ايتديلر . اسراييليه دن ۵۰۰،۰۰۰ بيك منتخب جنك آور دوشدى . [۲] بو مظفريت عظيمه ي تعريف صددنده (ژوزه فوس) ديركه : « يهوديه ليلر اشارت ويريلنجه به قدر دعايه وقف نفس ايتديلر ؛ اشارت ويريلنجه بلند آواز ايله دشمنه هجوم ايدوب آنلى مغلوب ايله ديلر ونه يونان ، نه اقوام وحشيه تاريخلرنده كورله مش صورت مده شده جوق آدم قتل ايتديلر . (بتل) و (ايدن) واك آي تحكيم ايدلش شهرلى ضبط و ياغما اولدى . . . [۳] »

دورت سنه لك قيصه بردوره حكومتدن صوكره آيچا وفات ايتدى . يرينه اوغلى (آسا) كلدى ؛ بوصاحب عقل و ديندار ؛ حكمدار اولوب « كرك دينيات و كرك اخلاقياتده تماميله اواسر الكهيه كوره حركت ايتدى .

[۱] (ژوزه فوس - سكزنجى كتاب - ايكنجى باب)

[۲] قرونيتل - ۲ (يعنى تاريخ بنى اسرائيل ۱۳ نجى باب - ۳ نجى ، ۱۶ نجى و ۱۷ نجى فقره لر .

[۳] (ژوزه فوس - سكزنجى كتاب - ۵ نجى باب)

لامارتين - عثمانيلر نامنه يازدينى - تاريخك برنجى جلدنيك اللنجي صيفه سنده مهم بر بحث فلسفى آچيور . كندينه خاص آتشرين برخامه بيان ايله سويلديكي سوزلرك قارشيسنده شرق هم افتخار ايديور ؛ هم ده كربه تاثر دو كيور .

« الفضل ماشهدت به الاعداء »

حقيقت ! انسان ايچين منسوب اولدينى ملتك بويوكلكنى ، معتقدى بولوندينى دينك قدسيتنى خصمنك لساندن ديكلمك ، قلمندن او قومق قدر بر حفظ عظيم ، بر ذوق نعيم تصور اولونماز . سنك خزينه لر دكر بر جوهرك اولسه فقط قيمتى بيلميور ، عادى بر چاقيل طاشندن عبارت ظن ايديورسك ؛ برده اوتندن بر قيمت شناس چيقوبده الكده كي او جوهرك ميايونلر ، مليارلر دكرنده اولدينى سويلسه نصلسك ؛ جوهر يالكيز مادى اولور ؛ قيمت يالكيز ماديته مى منحصر ، اصل قيمت معنويتك در . چونكه مادياتك شرقى معنويات ايله قائم در . ماده قوتله ياشار .

سنك قيتك معنويتكده در ، روحكده در دكلې ؟

لامارتينك برقاج صيفه سورن بويچشى حرفيا ترجمه ونقله حاجت يوقدر . ايتسين او صيفه لرى اوقور . بن بوراده مشاراليهك اعترافات حق كويانه سنى شورقاج سوزله آكلامغه چاليشاجم .

محمد فخر الدين

تفصيل

قيليج دينى

يدنجى باب

حضرت سليمان

حضرت سليمان (ع . م) يكرى ياشنده تخته چيقدى . ايلك اجرا آتندن يريسى كندى برادرى (آدويچا) يى خاصه عسكرينك قوماندانى (بناياح) واسطاسيله اعدام ايتديرمك اولدى . بونى متعاقب پدريك سرعسكرى (يوعاب) ك و (شيمي) دينيلن دمك باشلرني پدريك وصيتى موجبجه كسيدردى . حضرت سليمان صلح و مسالمتى حربه ترجيح ايتك و بك محشم بر سرى طاقى ترتيب ايتمش اولقله برابر قدس شهرينك استحكاماتنى ، سورلرني تعمير ، توسيع و تقويه ايله مشدى ؛ اوردو حقهنده عيى اعتنائى صرف ايديوردى . « محاربه عربلرلى بك چوق ايدى و بو عربلرك باركيز لرى ايچين دوت بيك آخور يللكى يابلش دى . خاصه عسكرى ۱۲ بيك سوارى دن عبارت اولوب بولردن ۶ بيكى نفس قدس ده و متباقيسى جوار قريه لرده بولنوردى . . [۱] »

حضرت سليمان سوريه ده دوغرو اوزانان چولك مدخلنى آله ايتدكن صوكره بورايه مستحكم (تامادورا) قصبه سنى انشا ايتدى . جبل لبنان ايله (آماد) شهرى آره سنده الا بنى اسرائيل حكمدارينه اطاعت كوستر . مهين بعض كنهانى قبائل واردى ؛ نهايت حضرت سليمان بولنرى ده مغلوب ايدوب هر سنه كنديسنه مهين بر مقدار اسير و برمكه جبر ايتمش ايدى . بو

[۱] (ژوزه فوس - سكزنجى كتاب)